



# IKLAN PEMBELIAN PERKHIDMATAN DOKTOR PAKAR SWASTA DAN DOKTOR SWASTA SECARA KONTRAK UNTUK PERKHIDMATAN (*CONTRACT FOR SERVICE – CFS*) BAGI PENYAMPAIAN PERKHIDMATAN KESIHATAN DALAM TEMPOH PENULARAN WABAK COVID-19 DI FASILITI KEMENTERIAN KESIHATAN MALAYSIA

Kementerian Kesihatan Malaysia (KKM) dengan ini mempelawa **Warganegara Malaysia yang terdiri daripada Pengamal Perubatan Berdaftar (Doktor Swasta dan Doktor Pakar Swasta)** yang berminat dan memenuhi syarat untuk dilantik secara *Contract for Service (CFS)\** bagi membantu KKM untuk memberi perkhidmatan kesihatan dalam menangani wabak COVID-19. Bayaran perkhidmatan bagi pelantikan secara CFS ini adalah sebagai penghargaan kepada khidmat bakti yang diberikan. Syarat-syarat pengambilan CFS adalah seperti berikut:

## I. JAWATAN

BIL	JAWATAN	TEMPOH KONTRAK	BAYARAN PERKHIDMATAN
(a)	Doktor Pakar Swasta	Enam (6) bulan	RM400 sehari (maksimum RM12,000 sebulan)
(b)	Doktor Swasta	Tiga (3) bulan	RM200 sehari (maksimum RM6,000 sebulan)

## II. SYARAT & KRITERIA PENGAMBILAN

BIL.	PERKARA	SYARAT & KRITERIA
(a)	Warganegara	<b>Warganegara Malaysia sahaja.</b>
(b)	Umur	Umur hendaklah tidak melebihi <b>65 tahun</b> untuk Doktor Pakar Swasta dan <b>60 tahun</b> untuk Doktor Swasta semasa dilantik.
(c)	Kelayakan Akademik	Memiliki <b>kelulusan akademik</b> mengikut skim perkhidmatan dan profesion masing-masing termasuk ijazah kepakaran (bagi Doktor Pakar Swasta).
(d)	Pendaftaran Dengan Badan Profesional	<u>Doktor Pakar Swasta</u> Mempunyai <b>Perakuan Amalan Tahunan semasa yang sah</b> dan berdaftar sebagai Pakar Perubatan dengan <b><i>National Specialist Register (NSR)</i></b> ;  <u>Doktor Swasta</u> Mempunyai <b>Perakuan Amalan Tahunan semasa yang sah</b> dan berdaftar dengan <b>Majlis Perubatan Malaysia.</b>
(e)	Pengalaman	<u>Doktor Pakar Swasta</u> Mempunyai pengalaman sekurang-kurangnya <b>tiga (3) tahun</b> sebagai Pakar Perubatan.  <u>Doktor Swasta</u> Mempunyai pengalaman sekurang-kurangnya <b>empat (4) tahun</b> sebagai Pegawai Perubatan.
(f)	Kesihatan	Mempunyai tahap <b>kesihatan yang baik</b> dan tidak dikategorikan dalam kumpulan berisiko tinggi.
(g)	Penempatan	Penempatan di fasiliti KKM berdasarkan kepada <b>kepentingan perkhidmatan, bidang kepakaran dan lokaliti mengikut negeri.</b>
(h)	Skop Tugas	Memberi <b>perkhidmatan kepakaran rawatan/ kesihatan</b> di fasiliti-fasiliti KKM bagi doktor pakar swasta dan memberi perkhidmatan rawatan/ kesihatan bagi doktor swasta.
(i)	Waktu Bekerja	Waktu bekerja harian bagi Doktor Swasta adalah tertakluk kepada <b>waktu bekerja biasa, iaitu 9 jam sehari termasuk waktu rehat.</b> Manakala waktu bekerja harian bagi Pakar Swasta akan ditentukan oleh Ketua Jabatan.
(j)	Tatakelakuan	Mempunyai <b>tatakelakuan yang baik.</b>

BIL.	PERKARA	SYARAT & KRITERIA
(k)	Kemudahan Perubatan	<p>a. Kemudahan rawatan perubatan dan pergigian di hospital/ klinik Kerajaan untuk diri pegawai sahaja;</p> <p>b. Kelayakan wad mengikut gred setara 54 (bagi Doktor Pakar Swasta) dan gred 48 (bagi Doktor Swasta)</p> <p>c. Pegawai tidak layak mendapat rawatan perubatan di hospital/klinik swasta, Institut Jantung Negara, rawatan perubatan di luar negara dan alat perubatan selain daripada yang dibekalkan oleh hospital/ klinik Kerajaan.</p>
(l)	Penamatan Perkhidmatan	<p>Pihak Kerajaan atau calon boleh menamatkan perkhidmatan kontrak ini dengan memberi <b>tujuh (7) hari notis</b>.</p> <p>Walau bagaimanapun Kerajaan berhak menamatkan perkhidmatan pegawai serta merta sekiranya pegawai didapati <b>tidak kompeten, tidak sihat, tatakelakuan yang tidak baik, atau atas apa-apa sebab yang difikirkan wajar oleh kementerian / Jabatan tanpa sebarang notis</b>.</p>
(m)	Elaun dan Kemudahan	Calon <b>tidak layak</b> menerima sebarang elaun (termasuk elaun COVID-19 atau elaun on-call) atau kemudahan selain daripada yang ditetapkan melalui tawaran ini.

### III. CARA MEMOHON

- a) Pegawai yang berminat dan memenuhi syarat boleh mengemukakan permohonan secara atas talian melalui pautan berikut:  
[https://docs.google.com/forms/d/e/1FAIpQLSe9NNk8gnnlQQydeolMBgh5rbxibCTIcUoGNf8q\\_e0PJQVmKg/viewform?usp=sf\\_link](https://docs.google.com/forms/d/e/1FAIpQLSe9NNk8gnnlQQydeolMBgh5rbxibCTIcUoGNf8q_e0PJQVmKg/viewform?usp=sf_link)
- b) Bilangan pengambilan adalah terhad dan tawaran akan dibuat berdasarkan keperluan perkhidmatan;
- c) Pegawai hendaklah memberi maklumat yang **lengkap, tepat dan benar** dalam borang permohonan;
- d) Permohonan yang tidak memenuhi syarat yang ditetapkan, tidak lengkap, tidak benar dan diterima selepas tarikh tutup **tidak akan dipertimbangkan**;

### IV. TARIKH TUTUP PERMOHONAN

- a) Tarikh mula permohonan adalah pada **28 Disember 2020 sehingga diberitahu kelak**. Sebarang permohonan atau perubahan selepas tarikh tutup tidak akan dipertimbangkan. **Keputusan pengambilan adalah muktamad**.
- b) Urusan pengambilan ini adalah bersifat **sementara** dan khusus untuk membantu KKM dalam menangani wabak COVID-19 sahaja. **Tiada urusan pelantikan tetap**

akan ditawarkan kemudian.

## v. TAWARAN

- a) Tawaran pelantikan dan arahan melapor diri ke Jabatan Kesihatan Negeri yang berkenaan bagi calon yang berjaya akan dimaklumkan melalui emel;
- b) Sekiranya bersetuju, calon perlu melapor diri kepada Pengarah Kesihatan Negeri/ Ketua Fasiliti yang berkenaan pada tarikh kuat kuasa arahan dan menandatangani Surat Setuju Terima;
- c) Penempatan ke fasiliti kesihatan akan ditentukan oleh Jabatan Kesihatan Negeri yang berkenaan;
- d) Sebarang pertanyaan, sila e-melkan kepada ***cfscovid19@moh.gov.my***

*(\* Nota: CFS bermaksud kontrak **pembelian perkhidmatan** daripada individu dengan bayaran yang dipersetujui bagi skop kerja yang ditetapkan bagi satu tempoh tertentu. Pegawai CFS tidak dikategorikan sebagai penjawat awam)*